

例言

兹谱颜曰向氏族谱而于页之中缝注曰民国三十三年甲申六修亦正名定分意也明谱之所由作则序例尚矣明谱之作谁属则职名尚矣故以序例职名列诸篇首先之以首卷曰溯源类族大丁繁祖泽流长循流溯源庶油然生报本返始之心也曰规约类欲子孙之遵守而无即非彝也曰说引类念昔先人嘉言孔多子孙所当不愆不忘也曰派语类所以考世系秩尊卑也曰祠祀类祠为祖宗棲神之所岁时祭祀必以礼毋墜家聲也曰祠产类产为子孙祭扫之资妥为生聚毋虞匱乏也曰荣典类崇德报功自古有之條例褒扬于今为烈特择其尤著者也曰寿序类亲友侑爵之辞子孙荣亲之具例不妨从宽也曰象赞类城中形外形求惟肖像之取义在焉赞以表德亦与传状同可以为后世法也曰遗像类音容宛在假想云尔矧兹遗像望之俨然子孙所当时深景例也曰墓图类墓为祖宗藏形之所杜冒认防侵越也曰墓碑类有道题碑泐罔表墓仿而行之虽不敢云显扬可免崇韬拜墓之羞也曰传关类尚贤也传其事以为后世法也生者不立传懼濫也盖棺而后论定也曰杂记类以其无类可归而名之也为类只十四而

分小卷二十一者惟墓碑类分小卷二传状类分小卷七故既以类相从可依类展览

兹谱式仿眉山丝垂绳贯以豎统衡为表曰世系表依表著世为录曰世次录以派相次先叙长房遞及仲房以下第一派叙毕再叙第二派以下期便分支仍用五世一转

次之以卷始曰公祖世次录旧谱以自始祖至许字派房次失传依前明元福是仲修谱照派旁列小传于谱中另为一格今从之故表畧且尊之为远祖许虔公由衡龙雄渊四公负枢迁平据公荣公基站记内载一则曰先大父为洪州守再则曰载先大父枢孙之于祖隔世僅一历年亦短信而足徵毫无疑问义故兹谱断之为迁平始祖而斯卷因以一开始祖二迁平始祖分篇

又次之以卷一至卷四自许虔公以下有衡龙雄渊四大房分之为四大卷卷一曰士衡公房世系表及世次录传六世至有字派有晟载茂明四大支分之为晟系载系茂系明系系之下又分小支各系以小卷号数卷二曰士龙公房世系表及世次录修不是至有字派有澆奇德三大支分之为澆系奇系德系系之下又分小支各系以小卷号数卷三四士雄公房世系表及世次录不另分系子姓寡也卷四曰士渊公房世系表及世次录传四世至大字派有熊礼两大支熊公不另分系礼公分之为时系富系德系系之下又

分

小卷号数既系统确立斯支流易分世系表于最顶派名或某第几子至最末派名下则分别记以三种符号有传者记以明圆无传者记以暗圆远适者记以方格抚子则于其派名上記以半明半暗圆义各有取可揣而得也

世次录派名上冠以某之子或某第几子名下有官名学名者书册名某书字有两字者书一字某有乳名者书小字某书生卒年月日时其在前清者书清纪元某年某甲子某月日时至民国改元后书民国某年月日另以小注某甲子 某月日时

书葬地墓向如邑里地名山向（如壬山丙向巽山乾山之类）禁步丈尺有墓誌碑石者均汇誌

合葬一兆域者兄弟夫妻妯娌曰从葬若族葬异塚者则各书其山向

书履歷事畧于字或乳名之下凡有出身官爵封赠谥号依前清旧例均备录自科举废学校兴凡自国内外中学以上各校毕业者无论男女悉书之

迁徙必书凡族人卜宅徙居者无论为同县同里或他县他里均详书里地及年月赁居者则不书

妇称某氏其有名字者书册名某及字某书生卒年月葬地后另行提书生子几名某生

女几名某适某氏或字某氏及某人之子叵孙

妻于夫初娶曰配继娶曰继配续娶者书再继三继互文见义也妾称侧室书于妻后妻在纳妇不书配书侧室一人不重婚也但兼桃另娶者书配侧室既生子女又能主持中馈正嫡死后夫不续娶以之继室亦书继配至妻于夫死后再醮者书配某氏下注改适或大归有子书配某氏某之女字某及生年月日时以其子之所自出为子书也但于其所生子女后注氏改适或大归

婚生子书生子其有继配或再继三继者则分书于所生母下重所出也继子书嗣子兼桃者书桃子其嗣子在出继一方书第几子某出继同胞或同堂兄北及房族某为嗣在入继一方书嗣子某由同胞或同堂兄弟及房族某第几子入继兼桃者书亦如之但本人栏事实书于本支其桃支于字某下书余详本支桃子生子先承本支次及桃支其仍止一子而分承两支者则分别书随匀出桃及随父入桃至有本人出继而原同胞兄弟无子转以其子承继或兼桃者书第几子某或子某回继或兼桃本生兄弟某为嗣所后名下书嗣子某或桃子某由同父兄弟某第几子或某子回继

立继承桃在绵嗣续其立继次序由同父昆弟之子推而至于同始祖昆弟之子择亲择

贤均为合法但有子而继一人而两继皆于义无取既往不溯礼无追改也后不为例过勿惮改也惟独子兼祧为清乾隆时特制之例所以济立后之穷也长子独子理无出继弟不行继兄孙不行祢祖以择派行相当者为合法

庶子虽长不先嫡子故嫡子幼庶子长者书时先嫡后庶已立后復生子者则先所立后所生重继也

异姓为后如吴之朱然魏之陈矫在古诚有其例但兹谱于生子嗣子桃子外若抱养异姓子收养遗弃子坐堂赘壻子随母下堂子均于其继父名下书抚子以刷本宗而符事实惟外甥桃舅子则书甥子以示优异因尚有女子血统关系之可取也

本宗之子出后异姓者书出后某地某姓名随母适人者书随母出养冀其他日归宗也若出养不返而以所生子回继原同胞兄弟者则于所后名下注由出养某姓兄弟某第几子回继称嗣子以其血统原属一本也入谱年龄古无正父惟民法中以十八岁为成年此系论法律行为似于嗣续无关兹谱以出生为断不以年为限惟未娶殤子但附书于父之篇不自为录其有已娶或未娶而为立后者则皆列入世次大书之

男女婚嫁属有姻娅之谊凡男之完娶或定聘者皆注明某地某官某名之女或孙女其

女之已嫁或已字者其书法亦如之重婚媾也

本族如有孙支远离播迁未回或有关白已及而终不返者除世系表记以方格徐号外于其名下仍详注往某处未归情节以待他日查攷

有于某人生卒年月日时及葬地不明或知其生年月日时而于卒年月日时及葬地不明者分别书生或卒或葬佚或均佚等字

终之以尾卷曰末次世次录补遗兹谱曾于民国三十四年交世次录补遗一次于今年必又有生者故者故末次补遗之所不容已特增新娶一栏妻道且母道之造端也此又补遗之乌可已也曰丁口统计表生齿之繁简有关家族之盛衰统而计之一则以喜一则以懼曰学校毕业表教育之优劣可卜人才之消长表而出之藉资比较且励后生曰领谱字号衔名表家之有乘犹国之有史其宝贵可知著之于表责有攸归可杜遗失伪造等弊曰跋语兹谱始于民国三十年辛巳成于三十六年丁亥时阅七年备尝险阴职责所在缄默难安故作跋语以终篇